

Hujah pakar Malaysia di ICC buktikan Palestin berdaulat

Februari 10, 2021 @ 10:30am



Rakyat Palestin Belanda sekian lama tertindas oleh kekejaman tentera Zionis.

Pada 5 Februari lalu, Kamar Pra-Perbicaraan I, Mahkamah Jenayah Antarabangsa (ICC) menyampaikan keputusan majoriti panel hakim bersidang bahawa ia mempunyai bidang kuasa di Palestin.

Keputusan ini membuka jalan untuk ketua pendakwa institusi terbabit, Fatou Bensouda, memulakan penyiasatan tuduhan kekejaman terhadap rakyat Palestin.

Bensouda sebelum ini mengumumkan hasrat pejabat pendakwa raya ICC atau OTP memulakan penyiasatan formal terhadap tuduhan jenayah perang di Tebing Barat, Baitulmaqdis Timur dan Semenanjung Gaza.

Namun, disebabkan status Palestin sebagai wilayah diduduki dan dipersoalkan statusnya sebagai negara berdaulat, Bensouda menunggu hakim untuk 'mengesahkan' jika institusi beribu pejabat di Den Haag itu, memiliki wewenang untuk menyiasat dan seterusnya mendakwa rejim Zionis.

DISYORKAN UNTUK ANDA

- Israel wajar didakwa bunuh rakyat Palestin - PBB
- Masa untuk ICC ambil tindakan terhadap Israel ceroboh Palestin - ABIM
- ICC gesa keganasan di Gaza dihentikan
- ICC buka kertas siasatan jenayah perang di Palestin

Palestin menggunakan status negara pemerhati Pertubuhan Bangsa-Bangsa Bersatu (PBB), diperoleh pada 2012, untuk menganggotai ICC dan meminta penyiasatan dimulakan terhadap tindakan Israel.

Rejim Israel pula berpendapat Palestin sebagai bukan negara penuh, tidak boleh dibenarkan mengemukakan petisyen di mahkamah.



Ad

8% + FREE WOW MONEY HOME Angpow Pack On Selected Items

2 January - 14 February 2021 Stay Focussed FIND OUT MORE

Sama-Sama Untung, Sama-Sama Kongsi! Celebrate 2021 with us this CNY. Great deals, bundles and extra WOW Cashback awaits!

by Wowshop [Shop Now](#)

TERKINI	PILIHAN PEMBACA
10m	COVID-19: Perlis sifar kes baharu dua hari berturut-turut
18m	'Terajui KWSP satu amanah untuk negara'
33m	Lagenda Properties jual harta tanah di Shopee
33m	COVID-19: 3,288 kes baharu, 14 kematian hari ini
38m	Seri Paduka zahir ucapan takziah pemergian veteran perang
42m	'Kami akur tak buat rumah terbuka ketika PKP'
43m	Shahril Ridza 'kunci mulut' kedudukan di Khazanah
44m	Kabinet setuju cadangan Najib sembunyi sumbangan

8% + FREE WOW MONEY HOME Angpow Pack On Selected Items

FIND OUT MORE *T&C Apply

wowshop

The Malaysian Reserve

Portal bisnes pilihan anda. kini dalam Mod Gelap.

TRENDING



NASIONAL



sejarn yang lepas
Pahang tarik balik gelaran Datuk pelakon Farid Kamil



AMERIKA
2 jam yang lepas
Derita gara-gara gayakan rambut guna gam ekstra kuat



SELEBRITI
4 jam yang lepas
Rita bosan kena intip, ganggu?



NASIONAL
5 jam yang lepas
Amir Hamzah CEO baru KWSP



NASIONAL
8 jam yang lepas
'Saya mahu mati dalam Islam, bertemu cucu di akhirat' - Lucy Nawi

Namun, dalam penghakiman dikeluarkan Jumaat, sementara majoriti hakim ICC menjelaskan pengadilan tidak mengambil sikap atas perselisihan sempadan, hakim menyatakan wilayah pengadilan itu termasuk 'wilayah' diduduki Israel sejak 1967, iaitu Gaza dan Tebing Barat, termasuk Baitulmaqdis Timur.

Fakta itu menolak hujah Israel, dengan menyatakan Palestin 'berhak' diperlakukan seperti pihak negara lain atas undang-undangnya.

Perkembangan ini permulaan penting bagi langkah membawa Israel ke muka pengadilan, sejarah hasrat Bensouda menyiasat insiden terjadi ketika perang Gaza 2014 antara Israel dengan Hamas.

Inisiatif ini juga dapat diperluas untuk memastikan ICC dapat menyiasat tragedi pembunuhan lebih 200 rakyat Palestin, termasuk lebih 40 kanak-kanak oleh rejim Israel, dalam demonstrasi di sepanjang Semenanjung Gaza.

Selain itu, Bensouda berpendapat ada 'asas munasabah' untuk mempercayai pihak berkuasa Israel melakukan kejahanan perang dengan memindahkan orang awam Israel ke Tebing Barat untuk tinggal di penempatan.

Konvensyen Geneva 1949 ditandatangani selepas Perang Dunia Kedua melarang pemindahan orang awam dari wilayah diduduki.

Perkembangan positif ini amat dinanti-nantikan pelbagai pihak khususnya pertubuhan bukan kerajaan (NGO) dan masyarakat dunia yang sangat mendambakan keadilan khususnya buat rakyat Palestin yang sekian lama dizalimi serta masyarakat dunia yang cintakan keamanan.

Bagi gerakan NGO di negara ini, keputusan penghakiman itu membuka dimensi baharu dalam sejarah aktivisme hak asasi manusia, khususnya buat Yayasan MyAQSA, iaitu NGO terbabit secara langsung dalam proses perundangan menghasilkan keputusan ICC itu.

MyAQSA diterima sebagai amicus curiae oleh Kamar Pra-Perbicaraan I ICC untuk mengemukakan hujah bagi membantu ICC membuat keputusan.

Amicus curiae bermaksud seseorang individu atau organisasi dipanggil untuk mengemukakan pendapat pakar mereka mengenai perkara menjadi topik perbicaraan di mahkamah.

Istilah ini ialah ungkapan dalam bahasa Latin dan secara harfiah bermaksud 'sahabat mahkamah'. Tujuan amicus curiae untuk membantu mahkamah dengan memberikan penjelasan yang mungkin penting untuk penyelesaian sesuatu kes.

Fungsinya juga dicirikan untuk menarik perhatian mahkamah terhadap fakta tidak diberikan perhatian.

Peranan MyAQSA bermula seawal 2018 apabila mengilhamkan penubuhan pasukan perundangan khas untuk membawa kes ini ke ICC.

Sebuah lagi NGO, iaitu Pusat Penyelidikan dan Advokasi Hak Asasi Manusia (CENTHRA) membantu beberapa aspek penyiasatan awal insiden pencerobohan terjadi ketika perang Gaza 2014 antara Israel dan Hamas.

Pada 2 Mei 2019, delegasi MyAQSA diketuai pengurusnya, Suwardi Yaacob, mengadakan siri pertemuan penting dengan wakil pelbagai bahagian di ICC di The Hague, Belanda.

Ini termasuk masing-masing wakil daripada Bahagian Sokongan Guaman, Kerjasama Antarabangsa dan Analisis Situasi, OTP.

Siri pertemuan itu diadakan sebagai susulan penghantaran nota komunikasi MyAQSA kepada OTP pada 17 Oktober 2018 mengenai desakan untuk mendakwa rejim Israel atas pelanggaran Resolusi 2334, Majlis Keselamatan Pertubuhan Bangsa Bersatu (UNSC) yang diluluskan Disember 2016.

Resolusi 2334 ialah keputusan masyarakat dunia signifikan dalam perjuangan membela nasib rakyat Palestin.

Bagi Malaysia, resolusi itu melakar sejarah tersendiri apabila negara kita menjadi satu dari empat negara menaja, seterusnya berjaya memperoleh sokongan sebulat suara melalui undi 14-0 di UNSC.

Selanjutnya pada 21 Februari tahun lalu, MyAQSA dibenarkan pihak ICC untuk berperanan sebagai amicus curiae dan pihak MyAQSA diminta menyediakan hujah berkaitan yang perlu dihantar kepada ICC sebelum 16 Mac.

Ia detik bersejarah bagi MyAQSA selaku satu-satunya organisasi di Asia yang diterima ICC sebagai amicus curiae bagi membantu mahkamah mengemukakan hujah.

Fungsi itu juga satu cabaran besar buat MyAQSA kerana tujuh negara dan berpuluhan organisasi lain juga membuat permohonan sama, tetapi berhuia untuk menyokong Israel.

Dengan berkat sokongan Kedutaan Palestin di Malaysia dan sokongan pasukan pakar perundangan dianggotai Prof Datuk Dr Rahmat Mohamad, Lukman Sheriff Alias, Prof Madya Dr Mohd Hisham Mohd Kamal, Dr Fareed Mohd Hassan, Wan Rohimi Wan Daud, Ahmad Edham Abdulwani dan Azril Mohd Amin, MyAQSA mampu menyediakan hujah membuktikan Palestin sebuah negara berdaulat, justeru ICC mempunyai bidang kuasa untuk menyiasat tuduhan jenayah perang dilakukan terhadapnya.

Pencapaian ini bukti kemampuan NGO tempatan bersaing dan berhujah di persada perundangan antarabangsa.

Inisiatif ini tidak terhad kepada sekadar tindakan berdemonstrasi atau mengeluarkan kenyataan mengkritik kekejaman Israel, tetapi membuktikan peguam, ahli akademik dan aktivis hak asasi manusia kita mempunyai kepakaran dan pengalaman mampu berhujah membantu institusi kehakiman antarabangsa seperti ICC untuk mencapai keadilan bagi masyarakat dizalimi seperti rakyat Palestin.

Ini naratif hak asasi manusia sebenar yang jarang diuarkan media Barat.

Dengan keputusan ICC ini, semoga peranan Malaysia sebagai negara yang sering ke hadapan dalam melindungi dan membela hak asasi manusia rakyat Palestin yang sekian lama tertindas akan kembali bersinar dan berupaya mengangkat kembali keadilan sejagat ke persada lebih baik.

Azril Mohd Amin

Aktivis hak asasi manusia dan antara peguam penyiasat menganggotai pasukan perundangan MyAQSA di Mahkamah Jenayah Antarabangsa (ICC) di The Hague, Belanda

BERITA BERKAITAN



NASIONAL Feb 6, 2021 @ 7:11pm
MyAQSA akan bantu ICC dakwa Israel atas kekejamannya



KOMENTAR Mei 17, 2019 @ 11:00am
MyAqsa teruskan inisiatif di ICC



KOLUMNIS Apr 5, 2019 @ 11:00am
Pendakwaan Israel uji keadilan ICC



NASIONAL Mei 21, 2019 @ 1:20pm
Pendakwaan secara formal terhadap Israel beberapa bulan lagi - MyAQSA

Disyorkan untuk anda



LOVE STORIES Wild Rose Briefs
RM 165 - Zebra print semi sheer lace back tanga briefs with...
Zalora



Doctor: If You Have Tinnitus (Ear Ringing) Do This Immediately!
healths.vip



Land rover range rover vogue 5.0 1year wty 2011
RM 88,500
mudah.my



Sell Your Car In 24 Hours Here!
Carsome.my



Invest now \$ 250 in Companies like Netflix and get a monthly income. Here's how to do it...
Smart Invest



The knee brace that has taken the world by a storm.
Knee Fix PRO™



The Transparent Face Mask has Just Arrived in Kuala Lumpur
ClearShield™



Don't Do E-commerce. This Expert Explains Why.
Ace Success Academy

[Learn More](#)



IKUTI KAMI DI:



BERITA

BHPLUS
Nasional
Kes
Politik
Pendidikan
Wilayah

SUKAN

DUNIA
HIBURAN
BISNES
RENCANA
WANITA
HUJUNG MINGGU

MULTIMEDIA

Foto
BHTV
Infografik

LANGGAN
Akbar Digital
Akbar BH

PERKHIDMATAN

Iklan Web
1Klassifieds
NSTP KLICK

